

# EMBASSY OF THE UNITED STATES OF AMERICA

## PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: [DhakaPA@state.gov](mailto:DhakaPA@state.gov)

WEBSITE: <http://dhaka.usembassy.gov>



## আমেরিকা সংগ্রহ ক্রিকেট কূটনীতি অনুষ্ঠানে রাষ্ট্রদূত জেমস এফ. মরিয়ার্টির বক্তব্য

বৃহস্পতিবার, ১০ই ডিসেম্বর, ২০০৯

সম্মানিত অতিথি, তরুণ ক্রীড়াবিদ ও উপস্থিত সুধীবৃন্দ: আস্সালামু আলাইকুম।

আজ রাজশাহীতে আপনাদের মাঝে উপস্থিত হতে পেরে আমি আনন্দিত। রাজশাহী মেট্রোপলিটন পুলিশ  
ও যুক্তরাষ্ট্র দ্রুতাবাসের যৌথ আয়োজনে আজকের এই ক্রিকেট টুর্নামেন্ট স্থানীয় জনগণ ও পুলিশের সম্মিলিত  
প্রচেষ্টার একটি চমৎকার উদাহরণ। আজকের এই অনুষ্ঠান গোষ্ঠীগত মূল্যবোধ প্রয়োগের সুবিধাবলী তরঙ্গদের  
কাছে তুলে ধরে যাতে তারা সমাজের সক্রিয় সদস্য হতে পারে।

এই টুর্নামেন্ট আয়োজন করার জন্য আমি রাজশাহী মেট্রোপলিটন পুলিশকে অভিনন্দন জানাতে চাই।

এই ক্রীড়া অনুষ্ঠানের জন্য তারা জাতীয় ক্রিকেট দলের খেলোয়াড়দের, রাজশাহীর তরঙ্গদের ও স্থানীয়  
পুলিশদেরকে একত্রিত করেছে। সমগ্র বাংলাদেশব্যাপী পুলিশ কর্মকর্তারা বুঝতে পেরেছেন যে, অপরাধ দমন ও  
নিরাপত্তা নিশ্চিত করতে স্থানীয় জনগোষ্ঠীর সদস্যরা গুরুত্বপূর্ণ সহায়কের ভূমিকা পালন করতে পারে। জনতা ও  
পুলিশের মেলবন্ধন রচনার সাফল্য বরিশাল, পটুয়াখালী, রংপুর, চাঁপাইনবাবগঞ্জ, কক্সবাজার এবং এখন  
রাজশাহীর ক্রিকেট কূটনীতি অনুষ্ঠানের মধ্য দিয়ে পরিলক্ষিত হয়।

আজ এখানে উপস্থিত পুলিশ সদস্যরা জাতীয় দলের খেলোয়াড়দের সঙ্গে একই সূত্রে গাঁথা। উভয়ই স্বপ্ন  
ও লক্ষ্যকে কিভাবে সফল পেশায় পরিণত করতে হয় তা তরঙ্গদের কাছে তুলে ধরার জন্য চমৎকার অনুকরণীয়  
দৃষ্টান্তের ভূমিকা পালন করে। জাতীয় দলের খেলোয়াড়রা এবং পুলিশ সদস্যগণের জীবনের সূচনা খুবই সাধারণ  
হলেও দৃঢ় সংকল্প ও কঠোর পরিশ্রমের মাধ্যমে তারা তাদের স্বপ্ন পূরণের অভিষ্ঠ লক্ষ্য অর্জন করেছে। কঠোর  
পরিশ্রম ও আত্মনিয়োগের মাধ্যমে বাংলাদেশের সন্তানরাও তাদের স্বপ্নকে সত্যি করতে পারবে।

আগামী প্রজন্মের নেতৃত্বদের মধ্যে দলবদ্ধভাবে কাজ করার মনোবৃত্তি ও গোষ্ঠীগত মূল্যবোধ গড়ে তুলতে স্কুলগুলোতে ক্রিকেটের মত শৃঙ্খলাবদ্ধ ক্রীড়াগুলো গুরুত্বপূর্ণ ভূমিকা পালন করে। ক্রীড়ায় অংশগ্রহণ এ সকল মূল্যবোধ চর্চা করার সুযোগ করে দেয় যাতে করে তরুণরা দেশের ভবিষ্যৎ নেতৃত্বে পরিণত হয়ে তারা তাদের জনগোষ্ঠী ও পুরো দেশের সমৃদ্ধিতে সহায়তা করতে পারে।

পুলিশের সদস্যরা ও জাতীয় দলের খেলোয়াড়রা কেবল শিশুদের জন্যই নয় বরং তারা যে জনগোষ্ঠীর অংশ সে জনগোষ্ঠীর জন্যও অনুকরণীয় দৃষ্টান্তের ভূমিকা পালন করে। শিশুদের মধ্যে গোষ্ঠীগত মূল্যবোধ সঞ্চারিত করার জন্য তারা শিশুদের সঙ্গে সময় অতিবাহিত করছেন ও কথা বলছেন। সত্যিকার অর্থে, আমাদের তরুণদের প্রভাবিত করার সুযোগ শুধুমাত্র এই জাতীয় নায়করাই পান না। এই দায়িত্ব ও কর্তব্য আমাদের সকলের। নিজ নিজ জনগোষ্ঠীকে কিছু ফিরিয়ে দেবার চেষ্টা করতে, একটি শিশুকে বেড়ে উঠতে সহায়তা করতে, অথবা একটি শিশুকে তার স্বপ্ন অর্জনের জন্য চেষ্টা করতে প্রগোদ্ধিত করতে আমি সবাইকে উৎসাহিত করি।

জনগোষ্ঠীকে কিছু ফিরিয়ে দেবার জন্য ও এই ক্রীড়াবিদদের বেড়ে উঠতে সহায়তা করার জন্য আজ আমি এখানে উপস্থিত জাতীয় ক্রিকেট দলের খেলোয়াড়দের ধন্যবাদ জানাতে চাই। এই অনুষ্ঠানের নিরাপত্তা প্রদান করার জন্যই কেবল নয়, এমনকি রাজশাহীর ভবিষ্যৎ গড়তে সহায়তা করার জন্যও আমি রাজশাহী মেট্রোপলিটন পুলিশকে ধন্যবাদ জানাতে চাই।

পুলিশ ও নাগরিকদের পরস্পরের প্রতি দায়িত্ব রয়েছে। আমি আশা করব যেন জনগোষ্ঠী উপলব্ধি করতে পারে যে তাদের সম্মানের শান্তিপূর্ণ ও সমৃদ্ধশালীভাবে বেড়ে উঠার জন্য পুলিশ সদস্যরা গুরুত্বপূর্ণ ও নির্ভরযোগ্য ভূমিকা পালন করে।

এই ক্রিকেট কূটনীতি অনুষ্ঠানে অংশগ্রহণ করার জন্য এবং রাজশাহীতে আমাকে ও ঢাকাস্থ যুক্তরাষ্ট্র দূতাবাস থেকে আগত আমার সহকর্মীদের সাদর সম্মান জানানোর জন্য আমি আপনাদের সবাইকে ধন্যবাদ জানাতে চাই। আসুন আমরা একটি ক্রীড়ানৈপুণ্যময় ও আনন্দমন দিন উপভোগ করি।

=====

\*বৃক্ষতার জন্য প্রস্তুতকৃত

জিআর/২০০৯